



CONVENIO DE COLABORACIÓN ENTRE A CONSELLERÍA DE ECONOMÍA, EMPREGO E INDUSTRIA DA XUNTA DE GALICIA E _____ PARA A ADHESIÓN Á REDE EUSUMO PARA O FOMENTO DO COOPERATIVISMO E A ECONOMÍA SOCIAL

Santiago de Compostela, _____

REUNIDOS

Dunha parte, don Francisco José Conde López, Conselleiro de Economía, Emprego e Industria, en virtude de nomeamento efectuado polo Decreto 124/2015, do 4 de outubro, en representación da Xunta de Galicia, actuando en virtude da competencia atribuída polo artigo 34.1 da Lei 1/83, do 22 de febreiro, da Xunta e da súa presidencia.

Doutra, _____, en representación de _____, facultado para a sinatura deste documento en calidade de _____ segundo _____.

Interveñen en función dos seus respectivos cargos e no exercicio das facultades que para convir en nome das entidades que representan teñen conferidas, recoñecéndose mutua e respectivamente competencia e capacidade suficiente para formalizar este convenio de colaboración,

EXPOÑEN

PRIMEIRO.- Este convenio de colaboración formalízase ao abeiro do disposto no parágrafo primeiro da Resolución do 8 de abril de 1991, polo que se fai público o Acordo do Consello da Xunta de Galicia do 27 de marzo de 1991, sobre convenios de colaboración con particulares e con outros entes públicos, enmarcándose dentro do previsto no artigo 4.1.d do Real Decreto Legislativo 3/2011, do 14 de novembro, polo que se aproba o texto refundido da Lei de Contratos do Sector Público.

SEGUNDO.- A Consellería de Economía, Emprego e Industria é o órgano da Xunta de Galicia a quen lle corresponde a promoción, coordinación, desenvolvemento, control e execución das competencias da Comunidade Autónoma en materia de



cooperativismo e economía social, segundo o disposto no Decreto 129/2015, do 8 de outubro, polo que se fixa a estrutura orgánica das consellerías da Xunta de Galicia, no Decreto 175/2015, do 3 de decembro, polo que se establece a estrutura orgánica da Consellería de Economía, Emprego e Industria (aplicable en virtude da disposición transitoria segunda do Decreto 177/2016, do 15 de decembro, polo que se fixa a estrutura orgánica da vicepresidencia e das consellerías da Xunta de Galicia), e na Lei 5/1998, do 18 de decembro, de Cooperativas de Galicia.

TERCEIRO.- No exercicio das competencias autonómicas en materia de promoción do cooperativismo e a economía social aprobouse o Decreto 225/2012, do 15 de novembro, polo que se crea a Rede Eusumo para o fomento do cooperativismo e a economía social e se regula o seu funcionamento. Este decreto establece no seu artigo 13 que a adhesión á rede deberá formalizarse a través de convenio de colaboración suscrito entre a persoa titular da consellería competente en materia de traballo e a persoa que teña a representación da entidade interesada.

A Lei 6/2016, do 4 de maio, da economía social de Galicia, recolle no seu artigo 15 que as actividades de fomento e difusión da economía social de Galicia impulsaranse especialmente a través da Rede Eusumo para o fomento do cooperativismo e a economía social.

CUARTO.- _____ formulou solicitude de adhesión á Rede Eusumo na que acredita o interese no desenvolvemento do cooperativismo e da economía social, no apoio ao emprendemento ou no desenvolvemento local.

QUINTO.- Por Resolución da secretaria xeral de Emprego do _____ aprobouse a solicitude formulada por _____ polo que, consonte o previsto no artigo 13 do referido decreto regulador, procede a súa formalización a través da sinatura deste convenio de colaboración.

Por todo o antedito, formalizan este convenio con arranxo ás seguintes

CLÁUSULAS

PRIMEIRA.- O obxecto deste convenio é establecer as condicións polas que se rexerá a colaboración entre a Consellería de Economía, Emprego e Industria e _____ para a adhesión á Rede Eusumo para o fomento do cooperativismo e a economía social. Esta colaboración axustarase ao previsto no Decreto 225/2012, do 15 de novembro. Nos termos indicados a colaboración levarase a cabo sen contrapartida financeira, participando a entidade colaboradora activamente no desenvolvemento das actividades de asesoramento, información e formación que se deseñen, sen que por iso se vexan afectadas as



súas actividades e funcións propias.

SEGUNDA.- A colaboración poderá alcanzar ao conxunto de actividades indicadas no artigo 4 do referido decreto, así como aquelas outras que resulten precisas para o cumprimento dos obxectivos da Rede Eusumo.

A entidade colaboradora comprométese a prestar o apoio necesario á Secretaría xeral de Emprego da Consellería de Economía, Emprego e Industria e ao Consello Galego de Cooperativas, na realización das tarefas de coordinación das diversas actividades que no ámbito onde se desenvolva o servizo poidan ter lugar.

TERCEIRA.- A entidade colaboradora pon a disposición da Rede Eusumo os seguintes medios e servizos para seren utilizados para o fomento do cooperativismo e a economía social:

- _____
- _____

CUARTA.- As obrigas e vantaxes da entidade colaboradora, así como as condicións de colaboración e de utilización dos medios e servizos postos a disposición da Rede Eusumo, serán as previstas no Decreto 225/2012, do 15 de novembro.

QUINTA.- A Consellería de Economía, Emprego e Industria promoverá a plena integración na Rede Eusumo da entidade colaboradora e, nese marco, facilitará os medios e recursos dispoñibles para a realización das actividades programadas.

SEXTA.- A regulación do presente convenio axústase ao Decreto 225/2012, do 15 de novembro, e complétase con el, resultando de directa aplicación o seu contido en todo o non previsto neste documento.

SÉTIMA.- A supervisión deste convenio corre a cargo da Secretaría xeral de Emprego, a quen se lle facilitará puntualmente toda a información necesaria e que poderá comprobar a súa execución cando estime conveniente. Constituirase unha comisión mixta de seguimento do presente convenio, integrada pola persoa titular da subdirección xeral de Economía Social, ou pola persoa na que este/a delegue, e por un/unha representante da entidade colaboradora.

OITAVA.- A subscrición do presente Convenio non supón relación laboral contractual nin de calquera outro tipo entre os/as profesionais que vaian desenvolver as actividades e a Consellería de Economía, Emprego e Industria, de tal xeito que non se lle pode esixir a esta responsabilidade algunha, directa nin subsidiaria, polos actos ou feitos acontecidos no seu desenvolvemento.



NOVENA.- A sinatura deste convenio suporá o consentimento expreso da entidade á Administración para facer públicos os datos referidos ao convenio de conformidade co artigo 15 da Lei 1/2016, do 18 de xaneiro, de transparencia e bo goberno, co artigo 8 da Lei 19/2013, do 9 de decembro, de transparencia, acceso á información pública e bo goberno e co decreto 126/2006, do 20 de xullo, polo que se regula o rexistro de convenios da Xunta de Galicia.

DECIMA.- Este convenio de colaboración ten carácter administrativo, e os seus efectos réxense polo establecido nas súas cláusulas, no Acordo adoptado polo Consello da Xunta de Galicia na súa reunión do 27 de marzo de 1991 e feito público mediante Resolución da Consellería de Economía e Facenda de 8 de abril de 1991, sobre convenios de cooperación con outros entes públicos e de colaboración con particulares, e conforme aos principios do Real Decreto Lexislativo 3/2011, do 14 de novembro, polo que se aproba o texto refundido da Lei de Contratos do Sector Público, aplicándose os principios desta Lei para resolver as dúbidas e lagoas que puidesen presentarse, e demais normativa xeral que lle sexa de aplicación.

DÉCIMO PRIMEIRA.- Este convenio entrará en vigor na data da súa sinatura, e terá carácter indefinido, podéndose denunciar pola parte que considere vulnerado o espírito del por incumprimento dalgunha das súas cláusulas.

A denuncia deberá efectuarse comunicándolla ás outras partes, mediante escrito fundado e cunha antelación mínima dun mes. Salvo acordo expreso en contrario, deberán finalizar as accións xa iniciadas.

A revogación do recoñecemento como entidade colaboradora da Rede Eusumo, prevista no artigo 15 do referido decreto regulador, levará aparellada a resolución deste convenio.

En proba de conformidade ambas as partes asinan este convenio por triplicado exemplar no mesmo lugar e data que se indica ao comezo.

**POLA CONSELLERÍA ECONOMÍA, EMPREGO E
INDUSTRIA**

**POLA ENTIDADE
A PERSOA REPRESENTANTE**

FRANCISCO JOSE CONDE LOPEZ
